

Na osnovu člana 13. i 73. Zakona o zaštiti od požara i vatrogastvu („Službene novine Zeničko-dobojskog kantona“, br.5/11 u daljnjem tekstu: Zakon), u vezi sa tačkom 2. stav 5. Programa obuke i osposobljavanja za dobrovoljne vatrogasce, kao i sadržaj i način polaganja stručnog ispita za dobrovoljne vatrogasce (Službene novine Federacije BiH“, br.37/15),

Kantonalna uprava civilne zaštite Zeničko-dobojskog kantona, sa sjedištem u Zenici, ul. Zmaja od Bosne bb (u daljnjem tekstu: Uprava) koju zastupa direktor Džanović Sead i

Dobrovoljno vatrogasno društvo [REDACTED]

[REDACTED] (u daljnjem tekstu Nosilac izvođenja obuke) , koje zastupa predsjednik Upravnog odbora [REDACTED]

Zaključili su dana 09.07.2015. godine,

**SPORAZUM
RADI PROVOĐENJA OBUKE I OSPOSOBLJAVANJA ZA POLAGANJE STRUČNOG
ISPITA ZA VATROGASCA/RUKOVODIOCA AKCIJE GAŠENJA POŽARA U
DOBOVOLJNOM VATROGASTVU NA PODRUČJU OPĆINE/GRADA I KANTONA**

Član 1.

(predmet sporazuma)

- (1.) Ovim Sporazumom regulišu se međusobna prava i obaveze između Uprave i Nosioca izvođenja obuke o provođenju obuke i osposobljavanja kandidata za polaganje stručnog ispita za sticanje zvanja dobrovoljni vatrogasac i rukovodilac akcije gašenja požara u dobrovoljnom vatrogastvu na način kako je to propisano Programom obuke i osposobljavanja za dobrovoljne vatrogasce, kao i sadržaj i način polaganja stručnog ispita za dobrovoljne vatrogasce („Službene novine Federacije BiH“, br.37/15 u daljnjem tekstu: Program obuke i polaganja ispita).

Član 2.

(provođenje obuke)

- (1.) Kako Uprava nema svoju profesionalnu vatrogasnu jedinicu, Program obuke i polaganja ispita povjerava se Nosiocu izvođenja obuke, radi provođenja obuke i osposobljavanja kandidata za polaganje stručnog ispita za sticanje zvanja dobrovoljni vatrogasac, koju prolaze:
- a Pripadnici dobrovoljne vatrogasne jedinice formirane u dobrovoljnom vatrogasno društvu,
 - b Portiri, recepcionari i druga zaposlena lica u pravnom licu, državnim organima i drugim institucijama.

Član 3.

(utvrđivanje izvedbenog programa obuke)

- (1.) Za provođenje obuke i osposobljavanja iz člana 2. upravni odbor Nosioca izvođenja obuke na prijedlog komandira dobrovoljne vatrogasne jedinice utvrdit će Izvedbeni Program obuke i osposobljavanja za polaganje stručnog ispita za dobrovoljnog vatrogasca/rukovodioca akcije gašenja požara u dobrovoljnom vatrogastvu koji je urađen u skladu sa Programom stručnog ispita za dobrovoljnog vatrogasca/Programom stručnog ispita za rukovodioca akcije gašenja požara u dobrovoljnom vatrogastvu, utvrđenog u Programu obuke i polaganja ispita, sa brojem (sati) i opisom nastavnih jedinica, oblike rada, nastavne metode, sredstva, pomagala i potrebne mjere zaštite tokom izvođenja obuke, što je uslovljeno procjenom ugroženosti od požara i planom zaštite od požara područja općine/grada, vatrogasne tehnike sa kojom raspolaže dobrovoljna i profesionalna vatrogasna jedinica, u sjedištu dobrovoljnog vatrogasnog društva.

Član 4.
(usaglašenost programa obuke)

- (1.) Izvedbeni Program obuke i osposobljavanja iz člana 3. ovog Sporazuma Nosilac izvođenja obuke dužan je u roku od sedam dana prije početka njegove realizacije u dva primjerka dostaviti Upravi radi verifikacije i ovjere.
- (2.) Uprava će od Nosioca izvođenja obuke, ukoliko bude potrebno tražiti usklađivanje sadržaja nastavnih tema i broja sati, sa Izvedbenim Programima obuke i osposobljavanja, radi osiguranja usklađenosti i usaglašenosti ovih Programa, a u cilju obezbjeđenja približno jednakih uvjeta za sve kandidate polaznike obuke i osposobljavanja za polaganje stručnog ispita, na nivou Zeničko-dobojskog kantona.

Član 5
(određivanje lica za izvođenje obuke)

- (1.) Upravni odbor Nosioca izvođenja obuke, rješenjem određuje stručna lica iz dobrovoljnog vatrogasnog društva ili druga stručna lica van dobrovoljnog društva, koja će realizovati Program obuke i osposobljavanja.

Član 6.
(vođenje dnevnika rada)

- (1.) Nosilac izvođenja obuke obavezan je voditi Dnevnik rada polaznika obuke i osposobljavanja koji je sastavni dio ovog Sporazuma, kojeg je propisala Uprava.
- (2.) U Dnevnik rada iz stava (1) ovog člana Izvođači obuke upisuju realizovane nastavne teme i jedinice, broj nastavnih sati, prisutne i odsutne polaznike obuke i osposobljavanja.
- (3.) Nosilac izvođenja obuke, je dužan najkasnije u roku od sedam dana, prije početka realizacije obuke i osposobljavanja, Upravi dostaviti Dnevnik rada sa imenima polaznika obuke i osposobljavanja, radi ovjere.
- (4.) Dnevnik rada polaznika obuke čuva se trajno.

Član 7.
(odgovorno lice za realizaciju izvođenja obuke)

- (1.) Posebnim rješenjem Nosilac izvođenja obuke odredit će odgovorno lice za realizaciju izvođenja obuke i osposobljavanja, sa kojim će Uprava zaključiti odgovarajući sporazum.

Član 8.
(nadzor nad provođenjem obuke i osposobljavanja)

- (1.) Nadzor nad provođenjem Programa obuke i osposobljavanja, po ovlaštenju Uprave, obavljat će starješina ili zamjenik starješine profesionalne vatrogasne jedinice u mjestu djelovanja nosioca obuke.

Član 9.
(izdavanje uvjerenja o provedenoj obuci)

- (1.) Upravni odbor Nosioca izvođenja obuke, će licu koje je prošlo obuku prema Programu obuke i osposobljavanja izdati uvjerenje o provedenoj obuci u dobrovoljnoj vatrogasnoj jedinici, na osnovu kojeg može pristupiti polaganju ispita, za dobrovoljnog vatrogasca pred Kantonalnom Komisijom za polaganje ispita za dobrovoljnog vatrogasca i rukovodioca akcije gašenja požara.

Član 10.
(prijave za polaganje stručnog ispita)

- (1.) Prijavu za polaganje stručnog ispita iz člana 9. ovog Sporazuma, za kandidata iz dobrovoljne vatrogasne jedinice dobrovoljnog vatrogasnog društva podnosi Nosioc izvođenja obuke.
- (2.) Za druga lica, prijavu za polaganje ispita dostavlja pravno lice, državni organ ili druga institucija.
- (3.) Prijava za polaganje stručnog ispita pred Komisijom iz člana 9. na propisanom obrascu sa priloženom dokumentacijom na način kako je to propisano Programom obuke i polaganja ispita, podnositelj iz stava (1) i (2) ovog člana, dostavlja Upravi najkasnije 30 dana prije redovnog ili vanrednog ispitnog roka kojeg utvrđuje Uprava.
- (4.) Na osnovu prijave za polaganje stručnog ispita i potrebne dokumentacije, Uprava donosi rješenje kandidatu o odobravanju polaganja ispita pred komisijom iz člana 9. ovog Sporazuma, u kojem određuje mjesto, vrijeme i visinu troškova za polaganje ispita.

Član 11.
(uvjeti za organizaciju obuke)

- (1.) Nositelj izvođenja obuke dužan je za realizaciju Izvedbenog Programa obuke i osposobljavanja osigurati:
 - a) Učionicu-prostoriju za održavanje stručne obuke u kojoj će se izvoditi teorijski dio obuke,
 - b) Poligon za obuku, uvježbavanje i kondicioniranje vatrogasaca, na kojem će se izvoditi praktični dio obuke i kondicioniranje,
 - c) Prostoriju sa spravama za vježbanje i sticanje fizičke kondicije,
 - d) Vatrogasnu tehniku,
 - e) Nastavna i druga materijalno-tehnička sredstva potrebna za izvođenje obuke.

Član 12.
(finansiranje obuke)

- (1) Troškove obuke i osposobljavanja kandidata za polaganje stručnog ispita za dobrovoljnog vatrogasca snosi:
 - a) Nositelj izvođenja obuke i osposobljavanja za pripadnike dobrovoljne vatrogasne jedinice iz dobrovoljnog vatrogasnog društva,
 - b) Pravno lice, državni organ ili druga institucija, za zaposlenike koji se po Programu obuke i osposobljavanja, osposobljavaju kod Nosioca izvođenja obuke, sa kojim će Nositelj izvođenja obuke i osposobljavanja sporazumom ili na drugi način regulisati troškove obuke, a u vezi sa članom 123., 127. i 128. Zakona i tačkom 15. Programa obuke zaposlenika u pravnim licima, državnim organima i drugim institucijama u oblasti zaštite od požara („Službene novine Federacije BiH“, br.59/10).
- (2) Troškove polaganja ispita snosi:
 - a) Uprava za pripadnike dobrovoljne vatrogasne jedinice iz dobrovoljnog vatrogasnog društva, koje djeluje na području Kantona.
 - b) Pravno lice, državni organ ili druga institucija, za zaposlenike koji su u pravnom licu, državnom organu ili drugoj instituciji i od koji se traži da imaju stručni ispit za dobrovoljnog vatrogasca.

Član 13.
(mjesto polaganja ispita)

- (1.) Pismeni i usmeni dio ispita za dobrovoljnog vatrogasca polažu se u dobrovoljnom vatrogasnom društvu, a praktični dio ispita u profesionalnoj vatrogasnoj jedinici općinske/gradske službe civilne zaštite, pred komisijom iz člana 9. ovog Sporazuma.

Član 14.
(sporovi i način rješavanja)

- (1.) Sve sporove koji proizilaze iz ovog Sporazuma, ili na nove okolnosti koje nastanu u realizaciji istog, kvalitet izvođenja obuke i osposobljavanja kandidata, izmjene propisa i dr., potpisnici ovog Sporazuma su saglasni da dogovorno izvrše potrebna unapređenja obuke i/ili izmjene/dopune Sporazuma, a u suprotnom spor će se rješavati kod nadležnog suda u Zenici.
- (2.) U slučaju da nije moguće riješiti nastale sporove sporazumne strane mogu na zahtjev jedne od strana, jednostrano raskinuti Sporazum.

Član 15.
(Primjena i trajanje)

- (1.) Ovaj Sporazum stupa na snagu danom potpisivanja, i primjenjivat će se do kraja 2016. godine, nakon čega se može zanoviti.

Član 16.
(broj primjeraka)

- (1.) Sporazum je štampan u 5 (pet) primjeraka od kojih svaka strana potpisnik zadržava po 2 (dva) primjerka, a jedan primjerak se dostavlja općinskoj/gradskoj službi civilne zaštite.

DVD [REDACTED]
PREDSJEDNIK UPRAVNOG ODBORA

[REDACTED]

Broj: _____
Zenica _____

ZA KANTONALNU UPRAVU CZ ZDK
DIREKTOR

Sead Džanović, prof.odb. i sig.

Broj: 16-44-2177-24-10/15
Zenica 09.07.2015.god.